

Transkription von Stadtbucheintrag BRB 1324a

Ort, Datierung: Brandenburg an der Havel, 1324-02-24

Signatur: Domstiftsarchiv Brandenburg, Kopialbuch I, 219v-221r

Inhalt: Markgraf Lodewich von Brandenburg: Privilegien der Stadt Brandenburg

De molendinis ... (etc.) / In godes namen ame(n) . Lodewich von god(es) gnaden marcg(re)=/ue tu Brandeburch vnd(e) tu lusitz . Palantzgreue by my / Ryne . Hertoge tu Beyern . des hiligin rykes Ertzschkemer(er) , / Syne(n) lyuen getruwen Ratma(n)nen vnde gemeyne(n) bor=/geren . der alden stad tu Brandeb(urch) di dar nu Jege(n)wordich / sint , vnde noch tukomende sint , . syne genade vnd(e) tu ey=/nir ewygen dechnisse . desser na schreue(n) dinck , Nach den // male dat vnse plegelike andacht , van plichtes wege(n) / schal wesen tu merende vnde tu bredende den vrom / vnsir vndersaten . vnser forsten [dit mes] vnde oren / schaden tu werende , So sy wy des begere(n)de by Jw , al=/len met begerunge in en vnse gunst nutschech=/like mede tudelende . also luttelike also ir vorschre=/ue(n)de truwe sy beuelet by vns von Ju beweset is . / hebbe wy angesyn met gutliken angesichte vnd(e) synt , / tu Rade geworden Ju tuhulpe tukome(n)de met soda=/nir nutscheicheit , vnde gnade . dat wy Ju vnd(e) iuwe(n) / nakomelinghen . vnde vns(er) alden stad tu Brandeb(ur)g / dar vnser forstendom heft anetoge(n) ey(n) orsspru(n)k / vnde dar wy ouk ane hebbe(n) . dat ambacht der ertz=/schynkemerye des hiligen rykes . so dat wy heyte(n) / eyn korforste des rykes . vnd(e) sy des nachelike(n) eyn / wortel . vnde eyn begin . dy dar ok is getzyret loue=/liken vnde werdichliken mit deme stule des bischop=/dumes tu Brandeburch , hebben gegeue(n) vnd(e) geue(n) / Jege(n)wordichliken . dat egender vnde dat erue der / molen dy dar ligghen vp dem alden da(m)me by vns(er) / vorgesproken stad tu alden Brandeb(urch) met deme / da(m)me vnd(e) met des da(m)mes hogeste vnd(e) sydeste / gerichte mit aller nut pacht vnde frucht dy dar=/ane komen mogen , Vortmer so wil wy dat dy bure / al der dorp . dy by der tyd vnser voruaren der marc=/greue(n) tu Brandeburch guder dechnisse dy sin ge=/weset tu der makynge des da(m)mes solen dar tu / blyue(n) den vorsproken dam tu rodende gentzlike(n) / wedder tumaken . also des noid is . dat dar engeyn / fericheit ane kome , vnde ok also dy vryheit vorge=/geuen is . von vnser voruaren , Vortmer so lye wy // vnde geue(n) Jw vryelike tu eygene den se . dy dar is / tuschen vnse vorsproken stad vnde dy dorp dy / dar heyte(n) Rywant vnde bogow , di dar vlyte(n)de / is met allen andern wate(en) by vnser stad boue(n) / vnde beneden . aller wegen dy dar tuvlyte(n)de syn / Also Claw(es) von den Bone vnd(e) syne(n) vedde(re)n den / se gehat tubesittende . so schal en hebbe(n) vnse / vorschreue(n) stad met vuller vryheit , vnde met / gantzer vullkomenicheit , . des hogeste(n) vnde sydeste(n) / gerichtes , Vnde dy vntschedinge der vorsproken / water(er) is . wente in den vlyte dat dar heyt Witz=/mok . vn(de) vortmer geyt it in dy vlyte dy dar / heyte(n) plawer water . Vp dat desse vorsproke(n) gaue(n) / tu allen tyden Ju moge(n) blyue(n) vn(de) vnser vorsproke(n) / stad dy dar is als eyn houet , ander stede dy synt / also ledemate moge wesen tugeue(n)de wyse vnde re=/delike tu leuende , also sy von alder wonheyt gegeue(n) / het , . dat dat also blyue ewyge tyd stede vn(de) vnge=/seryget , vnde dat von vns oder von ymande vnser / nakomelinge vnde ok von enghen vnser ambacht / luden desse vorbenunde gaue(n) engeyne wys hir / namals werden vererret , So hebbe wy dessen / bryff . dar up gegeue(n) vnde hebbe(n) den geheyte(n) stedych=/liken beuesten met der vestinghe vnser Ingesegel(en) / Tu tuge desser vorschreue(n) dynck dy dar tu gerupe(n) / sint vnde sunderliken gebeden , dat is di beschonly=/ke man Er Bartold vn(de) heynrik syn sone greue(n) / von Hynnemberch , dy edel lude Hinrik von Swer=/tzeborch . vnde

Gunter von lyndo Greue(n) vnde dy / erbar man Er Segher prouest tu Steyndal vnse / houes hochiste
schrÿuer Gerard von kerkow vnde / Bartold von Bûtz vnse rÿdde(re)r met vele ande(re)n // luden dy
des werdich sin gewesen , Gegeuen tu / Brandeburch na godes bort , durent Jar dryhûn=/dert Jar , in
deme vir vnde twintichsten Jare an dêm / Auende Sunte Matthÿes des Apostels. / Per man(um)
herma(n)ni de Luckow /